

隨園全集

三妹合稿

繡餘吟稿

閩南雜詠

盈書閣遺稿

樓居小草  
四六

隨園全集

袁家三妹合稟

述盦署



辛酉春正月

隨園全集  
之二十一

繡餘吟草

平湖江文毅署



中華民國十年  
上海商務印書館  
總發行所

繡餘吟稿序

繡餘吟者女弟雲扶所作也占歸妹之爻生逢第四學玉臺之體才竟無雙用志不紛開卷有得凡金鑾紫石之文元日椒花之頌南陽寶鑑徐惠小山靡不妍手爭華偏絃競響爾乃灘江壁墜早喪靈椿合浦珠還來依棠棣揚舲帝子之渚弭節龍女之堂萬重山翠寫入雙蛾一口紅霞嚼成九轉佩瑱而浣答子貢之三挑踞轉而歌笑丁娘之十索或懷兄楚成或送姊夔關叩徵苦生彈宮甘發韻語與機聲相續燈花共線影齊清團扇風開鳳尾雲藍之紙金星裝罷蘭熏粉澤之書集號繡餘私附針神末座歌成郎罷庶幾女史同箴亂衆芳於五風比華星於一字所謂掃眉之才人不櫛之進士矣更喜姬姑耦新藁砧憐重三商卻扇便磨寶鏡以試秦嘉五日采藍更咏盤中而寄伯玉壽酒則結褵待獻瓊花則抗手同看東廂夫婿既步步以成行魯國叔姬每雙雙而俱至豈非緣隨性善福與慧兼者與所望篋襪無忘揮櫛得所澤髮懷順傳粉道和珠多而首飾有光學大而心聲作采此時步障替小郎解圍他日蘭臺爲阿兄續史將見吾家詩事六宮傳大捨之名海內女宗十哲配宣文之享兄枚子才氏序

繡餘吟稿序

繡為婦功詩為婦言繡餘吟者先功後言之義也世之目論者謂女子不宜詩夫葛覃卷耳  
柏舟綠衣皆婦人之詩而聖人且以冠國風之首者何耶得毋以溫柔敦厚之說其有益於  
陰教者更深耶內子秋卿為存齋太史之妹太史兄弟能詩秋卿耳濡目染發口成音其所  
由來者遠矣于歸後孝尊章慈子女閨闔之內穆如清風益信聖人之教為不可誣而詩之  
有益於婦道者果深也昔徐淑秦嘉互相倡答佳話遂傳千載今秋卿亦似之矣而余則風  
塵奔走文思荒落縱或含毫邈然其能上繼古人否耶聊弁數言以誌吾愧楷亭汪孟翔

繡餘吟稿序  
繡為婦功詩為婦言繡餘吟者先功後言之義也世之目論者謂女子不宜詩夫葛覃卷耳  
柏舟綠衣皆婦人之詩而聖人且以冠國風之首者何耶得毋以溫柔敦厚之說其有益於  
陰教者更深耶內子秋卿為存齋太史之妹太史兄弟能詩秋卿耳濡目染發口成音其所  
由來者遠矣于歸後孝尊章慈子女閨闔之內穆如清風益信聖人之教為不可誣而詩之  
有益於婦道者果深也昔徐淑秦嘉互相倡答佳話遂傳千載今秋卿亦似之矣而余則風  
塵奔走文思荒落縱或含毫邈然其能上繼古人否耶聊弁數言以誌吾愧楷亭汪孟翔

繡餘吟稿

袁棠秋卿

西湖

新紅幾處映湖光  
裏和風拂面香  
淡蕩柳條爭碧浪  
參差畫舫亂紅妝  
鶯聲送客啼芳樹  
春色留人駐夕陽  
銷得黃金添得恨  
繁華從古說錢唐  
兜籠乘興踏香塵  
一帶垂楊景色新  
十里風迎穿柳燕  
數聲鶯送隔花人  
竹藏古寺鐘聲渺  
路出長隄鳥語頻  
果是風流歌舞地  
馬蹄忙煞杏林春

秋夜懷兄

寂寂秋聲思不禁  
繡簾微動晚風侵  
闌干影轉千家月  
砧杵聲移兩地心  
手足情懷頻悵望  
詩書燈火費追尋  
紅箋欲寄何由達  
千里江南少鴈音

秋夜對月呈步蟾三兄

滿塔涼影亂西池  
烟霧朦朧上竹枝  
鴻鴈聲殘秋欲老  
菊花風動月來遲  
瘦桐葉落青苔厚  
疎柳絲飄白露垂  
且莫牕前悲索寞  
與兄剪燭再題詩

七夕

遙見微雲海上生  
接來一帶鵲橋橫  
幾家簾捲針樓月  
何處人吹玉管笙  
傳說女郎今夕會  
果然風露此時清  
嫦娥似亦憐深意  
影照銀河分外明

中秋對月

愛對嫦娥一片光  
西風微送桂枝香  
寒鴉棲樹經霜冷  
孤鴈穿雲帶露涼  
酒盡月光搖短燭

夜深花影入空堂  
家家絃管吹新曲  
只覺人間此夜長

小除夕對雪

流光易過往來期  
雪影重堆白玉枝  
幾處絃歌驚此夜  
有人簫鼓憶當時  
破牕月射燈花淡  
陋屋風來帳影移  
一度年華看欲盡  
熏爐漸冷漏聲遲

十二月二十四日立春作

癡雲凝凍雨漫漫  
小閣寥寥獨倚看  
影逼闌干憐日短  
節催草木換春寒  
銀瓶水凍栽梅瘦  
金剪刀寒刺繡難  
不覺東風花信到  
琅玕猶喜報平安

偶成

雨聲欲斷風聲接  
芙蓉閣下飛黃蝶  
木遭秋意不成林  
徧向閒庭掃落葉

春興迴文

沉沉綠柳新條長  
豔豔紅桃曉日晴  
深苑春鶯啼舌巧  
林花亂蝶舞翻輕

詠小園白梅花

雪隱寒梅未放香  
時人休作等閒量  
任他風雪交加夜  
隱抱清心向太陽

瓊妃裊裊淡

春閨雜詠

年華來去水潺潺  
寂寞深閨春晝寒  
一樹流鶯千樣轉  
夕陽花影在闌干

佳節清明又

一年梨花深苑斷  
腸天東風微雨添  
惆悵放下湘簾聽杜鵑

溶溶新水漲西池  
裊裊春

風蕩柳絲梁上營巢雙燕子  
斜穿花徑啄香泥

池上垂陰杏子青  
一天微露濛疎星  
梨



花消瘦流鶯老楊柳風來月滿庭  
輕風翦柳絲絲一徑花飛最上枝  
昨夜新雷今夜雨小闌干外筍參差  
薄暮東風散晚晴繡牕高映一燈清  
祇因怕聽鄰家笛不敢推窗看月明  
月明雲淡夜風輕花影橫斜一片明  
却羨無愁天上鏡高高四季伴星行

夏夜對月

綠牕深鎖晚涼天螢火初生出暮烟  
却喜小園明月夜紅闌干下戲鞦韆  
推牕玩月夜眠遲夜色清陰好  
作詩竹影漸移垂露冷一輪浸入藕花池  
碧水蓮開石榴稀倚闌香氣撲人衣  
湘簾十幅齊鈎起螢火穿花帶露飛  
疎竹垂垂映畫堂水晶簾捲碧雲涼  
侍兒解得儂心事向鬢頻添茉莉香

秋日病中偶成

朝來對鏡懶梳頭風雨牕前白露秋  
停却繡針書半掩羅幃鎮日下雙鈎

送賽英大姊入蜀

萬里雲山是錦城長亭此別淚盈盈  
叮嚀莫負詩書約宛轉難分姊妹情  
岸柳恨牽離合夢官河愁聽可憐聲  
當筵且盡杯中酒相憶明朝路幾程

送步蟾三兄入蜀

離人惜別恨悠悠況復遙天值素秋  
兄馬未辭鄉國路儂心先到木蘭舟  
棄繻好壯終軍志投筆休忘定遠侯  
聞說西川程路遠風亭水驛莫淹留

舟中再送賽英大姊步蟾三兄

離筵把酒對青山未定行蹤幾日還  
分付離亭好秋水爲儂流夢入西川

夜過姑蘇

繁華初認闔閩城，隱隱亭臺月色升。  
兩岸吳歌平岸水，紅樓高映滿江燈。

酬香亭二兄見寄

夢繞關山得信遲，離懷那盡數行詩。  
挑燈寄語堪惆悵，一樣寒牕月白時。  
寂寂花扉掩

綠苔泥人香氣渚，蓮開斜陽望斷雲山路。  
有鴈南來信未來，尺書疊就意茫茫。  
展轉離

思覺更傷爲倩梁，間來去燕與人方便寄他鄉。  
數首新詩別後題，藕花風蕩綠荷池。凭

樓怕聽敲花雨，似爲愁人訴別離。  
月移花影亂妝臺，憶著江南心更哀。  
家事冷如秋葉

落賓鴻，偏阻信遲來。  
別後依依夢不真，綠荷透水藕花新。  
燕聲不管人愁悶，故故飛來

喚語頻，吟懷寂寞夜生涼。  
瑟瑟西風月轉廊，欲寫紅箋憑寄語。  
尺書偏短話偏長

對月有懷兄弟

桂萼分香寶鏡開，一輪清影照奩臺。  
金陵江闊魚難度，白帝城高鴈不來。  
蟋蟀多言欺陋室

鷓鴣寄託少良材，情思展轉燈光淡。  
葉落敲牕禁漏催

鄰家桃花紅過牆偶作

爭紅鬪紫出鄰家，露萼紛紛擬絳霞。  
閨苑有春空吠犬，武陵無路隔仙槎。  
含嬌未許全身見

吐豔還宜半面遮，不羨隔牆春色好。  
自家金谷有名花

清明

十分寒剩一牕烟，做就清明花信前。  
芳草映階紅杏雨，殘鶯滿苑綠楊天。  
捲簾新竹調鸚鵡

落日深林叫杜鵑，隔苑遙傳歡笑語。  
女郎花下戲鞦韆

春夜懷兄

百丈遊絲拂短檐，滿園垂綠鎖春烟。  
人分膝下家分地，詩在心頭月在天。  
頓起離情因見柳，吟成新句又遲眠。  
相持仔細儂燈讀，那得人歸新燕前。

上元日懷步蟾三兄

火樹星橋映晚霞，燈連九陌共千家。  
山河隔面分時節，衣食催人亂歲華。  
夢似古梅疎夜月，事如爆竹散春花。  
天涯同此三元夜，誰共敲詩燭影斜。

早春寄香亭二兄

春滿佳城水解冰，天涯蹤跡逐輕塵。  
衡陽鴈字何曾到，淮海鶯花又見新。  
細草漸迷江北路，垂楊初放武林春。  
時逢二月關情甚，雪裏題詩寄遠人。

對雪有懷賽英大姊

去年曾記雪飛時，小苑同君共賞詩。  
梅萼半含新歲蕊，冰花猶壓舊時枝。  
樓頭悵望三更鴈，牕下常思一局棋。  
節物驚心憐失伴，遙天風雪又絲絲。

春閨

半捲珠簾日未斜，牕前細雨發梨花。  
蝶飛芳草驚團扇，燕啄新泥覓舊家。  
往事徘徊如夢裏，春風披拂滿天涯。  
深閨繡罷情無限，回首慈親兩鬢華。

秋日對雨

微雨經秋欲斷腸，淒淒拂拂灑迴廊。  
海棠乍濕胭脂潤，桂蕊初沾密蠟黃。  
捲幔漸看添翠色，停針猶喜受清涼。  
晚來手撥金爐火，添炷伽南一片香。

春日泛湖

萬紫千紅燕語天滿堤絲柳半含烟畫船搖出歌聲過驚起鴛鴦落野田  
碧琉璃映赤  
闌橋鶯語叮嚀燕語嬌可奈春光留不住夕陽回首柳花飄

寒食

禁烟時節冷如秋簾捲疎風入小樓滿地落花初解夢一雙歸燕不知愁鶯啼細柳催寒食  
雲送輕雷過陌頭拋却繡針攜彩筆吟詩愛倚竹闌幽

秋夕

雲鎖秋光夜氣濃半牕花月影重重不知誰弄桓伊笛黃葉蕭蕭下晚風

香亭二兄歸喜成長律

客自遙天意外歸入門相見各依依恰當聚首逢佳節盡檢新詩出繡闈嬌女避爺驚面目  
老親看子舊斑衣不辭竟夕談心曲猶恐年來此會稀

和香亭二兄見示原韻

雲影遙遙閣外山離懷時念遠鄉關秋催堂上衣襟薄雨過塔前草色閒竹影數竿三徑冷  
月明千里一人還添杯共作團圓會擬似琅玕玉笏班  
蘆簾紙閣隱窮廬寂寞閑塔景

色虛落葉亂蟬聲斷續斜陽小樹影蕭疎海棠過雨枝猶醉桂萼憐秋香尙餘更有數竿新  
竹在青園不改伴幽居  
壯歲何堪飄泊過替君常自惜年華詩成錦字思蘇女蘭吐清

香憶謝家人對寒燈多好影月來小徑有名花玉鈎捲起湘簾露坐對欄杆斗柄斜  
霜

月初升過粉牆小堂且喜整離觴坐中殘燭談心短門外新砧報夜長蟋蟀近牀知欲冷蠹

魚書字不成行多時未共詩人話自覺吟來欠老蒼

對月呈香亭二兄

明河高映一輪圓苑柳依依萬縷烟數點疎星雲散夜一聲長唳鶴穿天瓶花弄影香生硯池水分波月照蓮剪燭與兄歌此夜紫薇窗下和新篇

弔吳姬

霓裳一曲想當年今日空餘事可憐野徑落花悲永夜荒臺孤月影長天玉臺鏡冷音容渺翡翠簾閑燕子暄又續小青千古恨芳魂應在六橋邊  
幾年零落減精神譜得驪歌已出塵柳絮纔飛三月雨梨花忽謝一枝春新鶯度曲空傳恨舊燕窺簾不見人贏得青青三尺土飄然無處覓前身

題二姊哭兒詩後

字字題來染杜鵑如君生命太堪憐一春夢斷同姜女百首詩翻哭閔騫風急未能回柳絮魂歸應只宿花箋膝前且慢悲孤寂尙有瓊英一樹鮮

送香亭二兄之壽春

整就征鞍不可留離人心事在眉頭流螢淡淡穿疎徑涼月朦朦照小樓千里白雲魂斷夜萬山紅樹鴈橫秋年年恨殺江邊棹慣向江南載客愁  
離心高逐綠楊邊欲別難留事可憐人去鴈來空有夢水平帆遠望連天浮雲好似身前事流水惟傳別後箋譜得驪歌送行客一聲歌罷淚雙懸  
未定君行日儂愁先已深萬山搖落候孤客遠遊心菊放重陽色詩添離合吟何堪情切處還聽滿城砧  
我有江湖夢勞勞半爲君閨中詩少伴月裏

鴈離羣匹馬憐行客孤裝宿暮雲形骸千里隔尺素寄殷勤

中秋對月

九宵風露下雲端分得天香出廣寒試問姮娥今夜月幾多人倚玉闌干

寄賽英大姊步蟾三兄

葉枯紅藕碧池秋一曲微波動翠樓自別伯牙無解調琴絃欲撥意先愁

西風浙瀝滿

庭陰夜色清疎冷畫屏彼此傷心聽不得最難消受雨淋鈴

聞步蟾三兄自蜀歸杭半年餘矣尙未抵家

有客飄零蜀國西老親思子淚沾衣亂山重疊人何處邊塞淒涼鴈獨飛嶺樹無情遮目斷

江湖有信阻書稀何時解釋儂心事滿徑落花空掩扉 岩嶽劍閣路崎嶇不盡離腸片

紙書秋水兼葭山色晚長途風雪夜涼初鵲鴿巧舌啼何處修竹清陰護舊廬同作兒時多

少事一回記憶一躊躕 疊得新詩意萬重天高無計託賓鴻心隨巫峽雲飛遠人阻峨

嵎信未通楊柳輕枝疎夜月芙蓉小苑醉秋風只今花似人非似多少關情此夕中 西

望茫茫一片雲惜君碌碌逐風塵關山難越分歌笑萍水無由絆客身有夢不離江上棹折

花難寄隴頭春惟將心託中秋月應照離愁兩地人 疎風小雨暗銀釭怨入淋鈴蜀道

長千里夢同江水碧一窗愁對菊花黃螢光影淡枝頭月蟋蟀聲寒砌下霜遊子不歸消息

渺更於何處寄征裳

梅花

一枝春報玉闌前占斷孤山百卉先隔水煙霞迷處士迎霜素影鬪嬋娟暗香初遞微風夜

疎影同消淡月天幽靜風懷高格性動人詩思倩人憐

明妃

一曲琵琶淚未收  
顰眉鬪上擁貂裘  
不將心負南天月  
那得魂歸塞北秋  
青塚路迴雲漠漠  
紫臺人去路悠悠  
細君小女應回首  
贏得千年碧草愁

秋日泛湖晚歸

露重新枝桂魄妍  
沼堤疏柳挂輕煙  
山連橋閣城通市  
樹拂樓臺水接天  
野外白雲迷古寺  
峰前紅葉落青泉  
晴霞數點松間照  
一笛橫秋夜泛船

幽居

欲識蓬門境  
荒苔草色深  
疎籬穿犬道  
巧語雜春禽  
慢効阮君淚  
還憐鍾子心  
琴書今古意  
流水豈知音

寄香亭二兄

鵬程人與白雲齊  
君獨年年借一枝  
聞道故交多及第  
更憐羈客尙無期  
琴書別後遙相憶  
雪月窗前寄所思  
常對芙蓉染衣鏡  
堪嗟儂不是男兒

丁丑上元日病

何處歌聲入院來  
可憐明月映樓臺  
菱花鏡裏人憔悴  
病鎖雙眉掃不開  
鶯聲宛轉燕  
相呼何處春光不  
畫圖欲捲珠簾還  
住手慚慚一病倩人扶  
上元時節萬家春  
我獨蕭

然負月明一曲誰家驚  
落鴈吹來都是斷腸聲  
春寒陣陣繞簾攏  
病怯心驚怕曉風  
問疾人來須作答  
侍兒傳出畫堂中

病中五弟贈白梅一枝

何必尋春去居然惠我來影疎人共瘦香冷夢初回待月增丰韻邀詩鬪翰才亭亭如慰病  
移傍繡簾開

步蟾三兄久無音信 集古

江海飄零客恨多空令歲月易蹉跎故鄉今夜思千里雲樹連天阻笑歌

溫庭筠 李頎 高適

誰家玉笛暗飛聲總是關山離別情流落錦江無處問應憐世故一書生

李白 王昌齡 徐安貞

銀燭金爐夜不寒愁人倚月思無端玉關西望腸堪斷楚水巫山道路難

馬邑龍沙路幾千中間消息兩茫然烏啼花落人何處風景依稀似去年

不堪西望見風塵玉壘浮雲變古今想得故園今夜月應憐共照兩人

心

劉長卿 杜荀鶴 劉禹錫

賦得春風扇微和 得和字 五言六韻

春風能扇物淑氣媚晴和蕩漾迎春轉飄然拂面過暖催桃蕊綻輕遞柳梢多助蝶翻新翅  
傳鶯弄巧歌有聲來竹徑無影動池波玉律回芳節清暉映遠坡

賦得杏花消息雨聲中 得聲字

挂起珠簾探雨聲報來消息杏花明子夫同飲金莖露宓女初含羅襪情十里豔迎鶯語細  
一枝紅送馬蹄輕亭亭笑靨宜人處風味天然畫不成

綠暗

綠暗紅稀正可憐何堪送別淚雙懸愁來身似雲長往別後人如夢杳然蝶舞落花芳草地



鶯歌細柳夕陽天關心幾度追離思一片深情託錦箋  
蘭干弄影月隨枝惱亂離腸數  
首詩窗裏疊成無限字天涯未卜有歸期熏爐衾煖成眠易裁句春寒落筆遲又是一番離  
別恨落花飛絮斷腸時

新秋雨夜伴五弟讀書

雨洗清秋夜孤燈冷畫屏暗雲籠淡月深竹隱流螢針影起寒色書聲耐久聽共君當此際  
身事等浮萍

又

浙瀝秋風裏蕭條萬物情桐飄金井冷人爽玉壺清寒柝出深巷新砧滿禁城可憐窗下雨  
如助讀書聲

晚樓閒望有懷二兄

夕景蕭然及暮秋碧天星彩兩悠悠竹疎小徑月當戶簾捲空庭人倚樓霜影淡凝黃菊瘦  
鴈行斜帶白雲流關情我最憐宵月應照天涯有遠遊

秋夜感懷和三兄韻

蟋蟀聲聲報夜寒倚樓吟望覺衣單烟迷野外天低樹影轉庭心月上欄繡閣燈清無俗韻  
井桐秋靜只棲鸞浮沉未辨身前事放眼渾如一醉看

賦得十月先開嶺上梅

得梅字

輕寒消息暗相催庾嶺風情見早梅數點天心春尙小一番花信律初回依雲欲借南枝勢  
映月宜傾東閣杯材異羣芳先得豔西風著意向陽開